

Diehtobivdda 11.6.2026

Ohcejoga gielda lea vuostáiváldán 11.6.2026 diehtobivdaga, man lea bivdán [REDACTED] (maŋŋelabbos dieđubivdi). Dieđubivdi lea vuolláičállán diehtobivdaga [REDACTED].

Diehtobivdda guoská čuovvovaš VALO Partners Asianajotoimisto Oy Ohcejoga gildii ráhkadan vuojadanhálla sanerenprošeavtta juridihkalaš čielggadussii gullevaš áššebáhpáriid:

1. Buot bargogohččosii gullevaš rehkegat.
2. Buot rehkegiid mielddusin doaimmahuvvon doaibmaraporttat.
3. Vejolaš diibmosirremat, bargoáigeraporttat ja eará áššebáhpárat, mat leamašan rehkegiid vuodđun.
4. Vejolaš áššegirjjit, mat gusket doaibmagohččosa viiddidemiid, dárkkálmahttimiid, muttuide juohkima dahje sisdoalu nuppástusaid.
5. Vejolaš lassediŋgojumit, lassebargogohččosat dahje eará doaibmagohččosa sisdoalu rievddadan áššebáhpárat.
6. Gieldda ja VALO Partners Asianajotoimisto Oy reivelonohallan, mas lea sohppojuvvon doaibmagohččosa sisdoalus, viidodagas, muttuide juohkimis dahje nuppástusain doaibmagohččosa áigge.
7. Vejolaš gaskaraporttat, hápmosat dahje eará bargogohččosa áigge gildii doaimmahuvvon čielggadeamit.
8. Čielggadeami ráhkadeami oktavuodas VALO Partnersii addojuvvon materiála ja dieđut das, gii materiála lea doaimmahan ja guđe beaivve materiála lea doaimmahuvvon.
9. Dieđut dain olbmui, geaidda VALO Partners lea bargogohččosa áigge váldán oktavuodá, jearahallan dahje geain leat bivdán materiála čielggadeami ráhkadeami várás.
10. Vejolaš čoahkkinnotáhtat, muituimerkejumit dahje eará áššebáhpárat, mat gusket bargogohččosa sisdoalu, viidodaga dahje ollašuttinvuogi.

Dieđubivdi lea bivdán áššebáhpáriid almmolašvuodálaga vuodul, elektrovnnalaš hámis, ja bivdán oažžut áššis váidingelbbolaš hálldahusmearrádusa.

Dieđubivdáí lea 25.6.2026 várrejuvvon vejolašvuohta dárkkálmuhttit diehtobivdaga. Dieđubivdi lea dárkkálmuhtán diehtobivdagis almmuhemiin, ahte diehtobivdaga vuostamuš ulbmilin lea oažžut VALO Partners Asianajotoimisto Oy bargogohččosii gullelaš áššebáhpáriid, nugo bargogohččosa ollašuhttima, vejolaš viiddideami dahje muttuide juohkima, rehketbearrama, raporterema ja bargogohččosa áigge šaddan materiála guoski áššebáhpáriid. Dieđubivdi lea dárkkálmahtán dan lassin, ahte jus diehtobivdagis máinnašuvvon fálliid fálddagat eai leat ovddabealde máinnašuvvon materiála dáfus dárbbaslaččat dahje gullet bivdagii dušše eahpenjuolgit, daid ii vealttekeahhtá dárbbas doaimmahit.

Mearrádus Dieđubivdáí doaimmahuvvojit čuoggáin 1, 2, 3 ja 7 bivdojuvvon áššebáhpárat ja čuoggá 8 oasil VALO Partners Asianajotoimisto Oy:i doaimmahuvvon duogášmateriála daid osiin, go ii leat sáhka e-poastalonohallamis. Áššebáhpárat addojuvvojit dieđubivdáí eiseválddi luhtte oaidninláhkaí ákkaid vuodul, mat čilgejuvvojit maŋnelis dieđuid addivuogi guoski čuoggás.

Diehtobivdda hilgojuvvo 4, 5, 6, 9 ja 10 oasil ollásit ja čuoggá 8 buohta daid osiin go bivdda guoská e-poastalonohallama ja dieđu materiála doaimmaheaddjis ja doaimmahanbeaivvis. Dárkilut ákkat almmuhuvvot maŋnelis.

Njuolggadusat mat heivehuvvojit

Eiseválddiid doaimma almmolašvuođas addojuvvon lága (621/1999, nuppastusaiguin, "julkisuuslaki") 9 § mielde juohke ovtas lea vuoigatvuohta oažžut dieđu eiseválddi áššebáhpáris, mii lea almmolaš.

Almmolašvuođalága 5 § 3 momeantta 2 čuoggá mielde eiseválddi áššebábirin eai dollojuvvo eiseválddi bálvalusas bargi dahje eiseválddi bargogohččosa vuodul doaibmi olbmo ráhkadan muituimerkejumit dahje dakkár hápmosat, maid ráhkadeaddji ii leat vel addán áššemeannudeami dahje eará ášši gieđahallama várás.

Almmolašvuođalága 5 § 3 momeantta 4 čuoggá mielde eiseválddi áššebábirin ii gehččo áššebábir, mii lea addojuvvon eiseváldái priváhta nammii bargojuvvon barggu várás dahje ráhkaduvvon dan čađaheami várás.

Almmolašvuođalága 5 § 4 momeantta mielde láhka heivehuvvo eiseválddis bargi ja eiseválddiid ja daid nammii doaibmi priváhta ja servošiid gaskasaš ráđđádallamiidda, oktavuodadoallama ja eará sullasaš eiseválddiid gaskasaš bargama várás ráhkaduvvon áššebáhpáriidda dušše, jus áššebáhpárat sistsidollet dakkár dieđuid, ahte dat arkiivalága mielde galget laktojuvvot arkiivii.

Almmolašvuodálága 16 § 1 momeantta mielde dieđu áššebáhpára sisdoalus galgá addit bivdojuvvon vugiin, jus bivdaga čuovvun ii áššebáhpáriid stuorra meari dahje áššebáhpára kopierema váttisvuoda dahje eará sullasaš siva dihtii hehtte meariheamet virgedoaimma.

Almmolašvuodálága 24 § 1 momeantta 20 čuoggá mielde suollemassan oaivvilduvvon eiseválddi áššebáhpárat leat áššebáhpárat, mat sisttisdoallet dieđuid priváhta fitnodatčiegusvuodain, ja maiddái dakkár áššebáhpárat, mat sisttisdoallet dieđuid eará sullasaš priváhta ealáhusa guoski áššis, jus dieđu addin sáhttá vahágahttit ealáhusdoalli ruđalaččat.

Gieldalága (Kuntalaki 410/2015, nuppástusaiguin) 83 § mielde luohttámušolbmoss lea vuoigatvuohta oažžut gielda eiseválddiin dieđuid, maid son iežas doaimmaid hárrái oaidná dárbbaslažžan ja mat almmolašvuodálága 6 ja 7 §:id mielde eai leat vel almmolaččat, jus čiegusindoallama njuolggadusain ii eará mearriduvvo.

Gieldalága 83 § oktavuoha eiseválddi áššebáhpára doahpagii

Gieldalága 83 § mielde luohttámušolbmoss dieđuoažžunvuoigatvuohta vuodđuduvvá almmolašvuodálága áššebáberdoahpagii. Gieldalága 83 § ovdabargguid (HE 268/2014 vp) mielde dieđuoažžunvuoigatvuohta guoská dieđuid eiseválddi áššebáhpáriin; maiddái dakkáriin, mat eai leat vel almmolaččat. Njuolggadus addá luohttámušolbmui viiddit vuoigatvuođa go earáide oažžut dieđuid eiseválddi áššebáhpáriin, muhto dat ii oaivvil iehčanas vuoigatvuođa oažžut dieđuid materiálas, mii ii leat almmolašvuodálága mielde eiseválddi áššebábir oppanassiige.

Dan dihtii dalle, go bivdojuvvon áššebáhpárat eai almmolašvuodálága 5 § njuolggadusaid vuodul gehččojuvvo eiseválddi áššebábirin, ii gieldalága 83 § dieđuoažžunvuoigatvuohtage gusto daidda. Dieđubivdi ii leat maid ákkastallan dan, mo bivdojuvvon áššebáhpárat livčče dárbbaslaččat su luohttámušdoaimma dikšumis.

Gielddaráđdehusas leat áššegirjebivdaga ovdanbuktinbeaivve 11.6.2026 gieđahallan dieđubivdi áirrasin dahkan mearrádusávžžuhusa, man maŋŋá gielddaráđdehusas ii leat šat áigumuš gieđahallat mearrádusávžžuhusa guoski juridihkalaš čielggadeami áššiid.

Ákkastallamat

Diehtobivdaga čuoggát 1, 2, 3, 7 ja 8: áššebáhpárat, mat luobahuvvojit dieđubivdái

Dieđubivdái luobahuvvojit čuoggáin 1 (rehkegat), 2 (doaimbaidjoraporttat), 3 (diibmosirremat ja bargoáigeraporttat) ja 7 (gaskaraporttat ja bargogohččosa áigge doaimmahuvvon čielggadeamit) bivdojuvvon áššebáhpárat ja čuoggá 8 buohta VALO Partners Asianajotoimisto Oy:i doaimmahuvvon duogášmateriála earret e-poastalonohallan.

Diehtobivdaga čuoggát 4, 5, 9 ja 10: gielddas eai leat bivdojuvvon áššebáhpárat

Gieldda hálddus eai leat áššebáhpárat, main boađášii ovdan dieđubivdi čuoggáin 4 (bargogohččosa viiddideamit ja dárkkálnuhttimat), 5 (lassedingojumit ja lassebargogohččosat), 9 (olbmot, geaidda lea váldon oktavuohta) ja 10 (čoahkkinnotáhtat ja muituimerkejumit) bivdán dieđut. Eiseválddis ii leat almmolašvuođalága iige gieldalága 83 § vuođul geatnegasvuohta ráhkadit ođđa áššebáhpára dahje čoahkkáigeasu diehtobivdagii vástideami dihtii. Go gielddas eai leat hálddus bivdojuvvon áššebáhpárat, daid ii sáhte luobahit dieđubivdái.

Diehtobivdaga čuokkis 6: e-poastalonohallan bargogohččosa sisdoalus

Gieldda ja VALO Partners Asianajotoimisto Oy gaskasaš e-poastalonohallan bargogohččosa sisdoalus, viidodagas ja muttuide juohkimis ii leat almmolašvuođalágas oaivvilduvvon eiseválddi áššebábir.

Almmolašvuođalága 5 § 4 momeantta mielde láhka heivehuvvo eiseválddi siskkáldas bargguid várás ráhkaduvvon áššebáhpáriidda dušše, jus daid arkiivalága mielde galgá laktit arkiivii. Gažaldatvuloš reivelonohallan ii leat merkejuvvon gieldda diárai iige dat arkiivalága vuođul gula gieldda arkiivii. Reivelonohallan lea áššiid válmmaštallan ja dasa gullevaš gulahallama guoski siskkáldas bargomateriála.

Go oassebeliid gaskasaš e-poastalonohallan ii leat almmolašvuođalága mielde eiseválddi áššebábir, maddái gieldalága 83 § mielde dieđuoažžunvuoigatvuohta ii gusto dasa ovddabealde čilgejuvvon ákkaid vuođul.

Diehtobivdaga čuokkis 8: VALO Partners Asianajotoimistoi doaimmahuvvon duogášmateriála

Daid áššebáhpáriid buohta, mat eai luobahuvvo dieđubivdái, ákkastallamat leat dát:

E-poastalonohallan

Almmolašvuođalága 5 § 3 momeantta 2 čuoggá mielde eiseválddi áššebábirin eai dollojuvvo eiseválddi bálvalusas bargi dahje eiseválddi bargogohččosa vuođul doaibmi olbmo ráhkadan muituimerkejumit dahje dakkár hápmosat, maid ráhkadeaddji ii leat vel addán áššemeannudeami dahje eará ášši gieđahallama várás. Gieldda virgehálldašeaddjiid ja VALO Partners Asianajotoimisto Oy gaskasaš e-poastalonohallan ja gieldda virgehálldašeaddjiid ja bargiid gaskasaš siskkáldas e-poastalonohallan bargogohččosa sisdoalus ja sanerenagoarttas ii leat almmolašvuođalágas oaivvilduvvon eiseválddi áššebábir. E-poastalonohallan ášši birra lea

válmmaštallan ja dasa laktáseaddji siskkáldas gulahallan, mii ii leat addojuvvon doaibmaorgánii gieđahallamii.

Vuhtii galgá váldit maiddái almmolašvuodálaga 5 § 4 momeantta, man mielde láhka heivehuvvo eiseválddi siskkáldas barggaid várás ráhkaduuvon áššebáhpáriidda dušše, jus daid arkiivalága mielde galgá laktit arkiivii. Gažaldatvuloš e-poastalonohallan ii leat merkejuvvon gieldda diárai iige dat arkiivalága vuodul gula gieldda arkiivii.

Go e-poasttat eai leat almmolašvuodálaga mielde eiseválddi áššebáhpárat, gieldalága 83 § mielde dieđuoazžunvuoigatvuohtage ii guoskka daid ovddabealde čilgejuvvon ákkaid vuodul. Áššebáberbivdda hilgojuvvu dáid osiin.

Diehtu materiála doaimmaheaddjis ja doaimmahanbeaivvis

Dieđubivdi lea bivdán dieđu das, gii materiála lea doaimmahan VALO Partners Asianajotoimisto Oy:i ja guđe beaivve materiála lea doaimmahuvvon. Gieldda hálldus ii leat sierra áššebábir, mas dieđut boadášedje ovdan.

Eiseválddis ii leat almmolašvuodálaga iige gieldalága 83 § vuodul geatnegasvuohta ráhkadit ođđa áššebáhpára. Gieldda hálldus ii leat áššebábir, mas boadášii ovdan dieđubivdi bivdán dieđut das gii/geat leat doaimmahan materiála VALO Partners Asianajotoimistoi ja guđe beaivve materiála lea doaimmahuvvon. Go gieldda hálldus eai leat bivdojuvvon áššebáhpárat, dakkár áššebáhpáriid ii sáhte luobahit dieđubivdái.

Materiála leat doaimmahan

[REDACTED]

Dieđuid addinvuohki

Ákkastallan, doaibmaváldi Almmolašvuodálaga (Julkisuuslaki) 16 § 1 momeantta mielde dieđu áššebáhpára sisdoalus galgá addit bivdojuvvon vugiin, jus bivdaga čuovvun ii áššebáhpáriid stuorra meari dahje áššebáhpára kopierema váttisvuođa dahje eará sullasaš siva dihtii hehte meariheamet virgedoaimma.

Daid osiin go juridihkalaš čielggadeami ráhkadeami oktavuodas VALO Partners Asianajotoimisto Oy:i doaimmahuvvon áššebáhpáriid sáhhtá addit dieđubivdái, gehččo ahte bivdojuvvon elektrovnnalaš doaimmaheapmi headušta virgedoaimma badjelmeare áššebáhpáriid luonddu ja viidodaga dihtii. Áššebáhpárat sistsidollet dan lassin stuorra meari persovdnadieđuid, mii doarju dieđuid addima oaidinláhkai eiseválddi luhtte. Áššebáhpárat addojit dan dihtii dieđubivdái eiseválddi luhtte oaidinláhkai. Oaidinláhkai doallamis sohppojuvvu sierra dieđubivdiin.

Ákkastallan, doaibmaváldi Hálldahusnjuolggadus (hallintosääntö) § 30 ja 15

Mearrádus lea vuolláičállojuvvon elektrovnnalaččat áššehálddašanvuogádagas.

Ruotsalainen Veli-Matti
Ovddidanhoavda

Oažžu Dieđubivdi

Diehtun Gielddaráđđehus

Mearrádus sáddejuvvon 29.6.2026

Oaidninláhkai diehtofierpmis

Váldinvuoigatvuohta Gielddaráđđehus

Nuppástusohcanrávvagat VÁIDDAČUJUHUS

Dán mearrádussii ohccojuvvo nuppástus hálldahusváidagiin.

Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra áсахuvvo. Eiseváldi oažžu ohcat nuppástusa váidimiin maiddái, jos váidimii lea dárbu almmolaš ovddu dihte, man eiseváldi gohcá.

Váidináigi

Vuigengáibádusa galgá dahkat 30 beaivve geažes das, go lea ožžon mearrádusa diehtun.

Gehččojuvvo ahte eiseváldái doaimmahuvvon elektrovnnalaš áššebábir lea bohtán áiggil, jus áššebábir bohtá maŋimustá mearreáiggi maŋimus beaivvi áigge. Báberveršuvnna váidagis galgá doaimmahit váiddaeiseváldái maŋimustá váidináiggi maŋimuš beaivve ovdal, go váiddaeiseváldi doaimmahat giddejuvvo.

Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmmát beaivve dieđu sáddemis. Reivepoastan sáddejuvvon dieđuaddima buohta gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reive sáddemis. Gehččojuvvo goittotge, ahte eiseváldi lea ožžon mearrádusas dieđu dan beaivve, go reive lea bohtán.

Diehtunoažžunbeaivi ii rehkenastojuvvo váidináigái. Jos váidináiggi maŋimuš beaivi lea bassebeaivi, iehčanasvuođabeaivi, válbormebeaivi, juovla- dahje mihcamárruohtta dahje árgalávvardat, de váidaga oažžu dahkat vuosttas árgabeaivve dan maŋŋá.

Váiddaeiseváldi

Váidda dahkkojuvvo Davvi-Suoma hálldahusriektái (Pohjois-Suomen hallinto-oikeus).

Váidda hálldahusriektái dahkko vuosttassajis hálldahus- ja sierraduopmostuoluid áššiiddikšunbálvalusas čujuhusas <https://asiointi.oikeus.fi/hallintotuomioistuimet/>.

E-poasta: pohjois-suomi.hao@oikeus.fi

Telefonnummir: 029 56 42800

Poastačujuhus: PL 189, 90101 OULU

Uksačujuhus: Torikatu 34-40, OULU

Váidaga hápmi ja sisdoallu

Váidaga galgá dahkat čálalaččat ja vuosttassajis hálldahus- ja sierraduopmostuoluid § 4/2026 áššiiddikšunbálvalusas. Maiddái eará elektrovnnalaš áššebábir deavdá čálalaš hámi gáibádusa.

Váidagis galgá almmuhit:

- mearrádusa, masa ohcá nuppástusa (váidinvuloš mearrádus);
- man dáfus mearrádussii ohcá nuppástusa ja maid nuppástusaid dasa gáibida (gáibádusat);
- gáibádusaid ákkat;
- masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama, persovdnadovddaldaga dahje fitnodat/searvedovddaldaga ja oktavuohtadieđuid. Maiddá ruoktogieldda gánneha almmuhit. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddá su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálldahusduopmostullui farggamusat.

Váidagis galgá almmuhit maiddá dan elektrovnnalaš čujuhusa dahje eará čujuhusa, masa riektegeavvama áššegirjjiid sáhhtá sáddet (proseassačujuhus). Váidaga dahje eará áššebáhpára doaimmaheapmi hálldahusduopmostuolu elektrovnnalaš áššehasbálvalussii gehččo almmuhussan elektrovnnalaš áššehasbálvalusa geavaheamis proseassačujuhussan. Jos váidi lea almmuhan eambbo go ovttá proseassačujuhusa, de hálldahusduopmostuollu sáhhtá válljet, guđemuš almmuhuvvon čujuhussii dat doaimmaha riektegeavvama áššegirjjiid.

Váidagii galgá laktit:

- váidinvuloš mearrádusa ja váiddačujuhusa;
- čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- áššebáhpáriid, maid váidi geavaha gáibádusaidis doarjjan, jos dat eai leat juo ovdal doaimmahuvvon eisevárdái.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, mii duopmostuollomáksolágas (tuomioistuinmaksulaki) (1455/2015) ásahuvvo. Diehtu riektegeavvanmávssuin gávdno Duopmostuollolágádusa (Tuomioistuinlaitos) siidduin.

Beavdegirji

Lassedieđuid mearrádusas sáhhtá bivdit Ohcejoga gieldda girjenkantuvrras.

Poastačujuhus: PL 41, 99980 Ohcejohka
Uksačujuhus: Luossa 1 a, 99980 Ohcejohka
E-poasta: kunnanvirasto@utsjoki.fi

Gielddadállu lea rabas vuossárggas gaskavahkkui dii 9.00-15.00.